

جماعتين حرڪتي نچه نفرين يورولماسي اينن اينحيرافا چڪيلمز

اينقلابين موعظم رهبري ايتارگرلين جمعينه: بعضيلرين يورولماسي و بنحوصله اولماسي اينن جماعتين حرڪتي تزلزل و اينحيرافا چڪيلمز.



اينقلابين موعظم رهبري ايتارگرلين جمعينه: بعضيلرين يورولماسي و بنحوصله اولماسي اينن جماعتين حرڪتي تزلزل و اينحيرافا چڪيلمز.

ايسلامي اينقلابينان باشلايان بو يولون ايدامه سي اولاجاق و سيز گوردوز كي جماعتين عمومي حرڪتينه، بير عيده مسئوليت يوكون يتره قويدولار اما روحيه لي جوانلار اونو گوتوردولر و اينشاء الله مقصده چاتديراجاقلار.

فارس خبرگوزاريسي نين، موعظم رهبري مقامين ايطيلاع رساني سايتيندان نقل ائله ديغي گوزاريشه گوهره، ايسلامي اينقلابين موعظم رهبري حضرت آيت الله خامنه اي، ايتارگرلين بير عيده سي اينن گوروشنده، موقدس ديفاع ايللريني گوزل و ظريف تابلويا بنزدي و خاطرله دي: ايسلامي اينقلابينان باشلانان يولون ايدامه سي اولاجاق و موقدس ديفاع گونلريني گوزلبيقلارين موخاطبه ياخيندان توصيف ائله ماق اوچون، گرگ هونر معيارلاريندا مينلرجه كيتاب يازيلسين تا رزمده لرين فداكارليقلاري جماعته تشریح اولسون.

ايسلامي اينقلابين رهبري، تحميلي ساواش ايللرينده رزمده لرين ايشلرين باشاريقلي، ارزيشلي، چوخ بويوك و حثيران انديجي بيليب و آرتيرديلار: سيز كي موقدس ديفاع ايللرينده موهوم و حساس مسئوليتلريز واريدي بيلين كي جهاد اصغردن سونرا جهاد اكبر نوبه سي چاتيپ كي داها چتين و موشكولدور.

اولنار جهاد اصغر و جهاد اكبرين خصوصيتلرين تشریح انديپ آيدينلاتديلار: اولكه نين بويونكي فضا سيندا، ارزيشلره و اصولا. اصرار ائله سز و موختليف سياسي، ايجتماعي، ايقتصادي و فرهنگي ميدانلاردا تقواني نظرده آلساز، داها يوخاري ارزيش و اهميتي وار.

حضرت آيت الله خامنه اي بو زمينه ده آرتيرديلار، بويون ايكي دوشمن، بير خبيث ايستيكبار و او بير ايجريده كي نفس اينن اوز به اوزوق كي اگر بير تقواني نظرده آلب قدم گوتوروب تصميم توتسا، معنوي اولجالماق و ماڏي پيشرفت زمينه سي فراهم اولار.

ايسلامي اينقلاب رهبري سلوك الي الله گوناهدان اوزاق اولماغا لازيم بيليب خاطرله دي: گونا ائله مه ماغينان يولون ياريسي گنديلميش اولور، البته سياسي، ايجرايي، موديريتي، تبليغي و مذهبي مسئوليتلري اولنلارين گوناھي نين وسعتي داها چوخ اولور.

حضرت آيت الله خامنه اي بونا ايشاره ائله ماغينان كي مسئوللارين دوز حرڪتي اونون جامعه به سيراي اولماسينا باعث اولاجاق آيدينلاتدي: بيز داينماق و دوز حرڪت اينن جامعه ني ده تشويق اتديريك و البته بيليريك كي بعضيلرين يورولماسي و بنحوصله اولماسي اينن جماعتين حرڪتي تزلزل و اينحيرافا چڪيلمز.

ايسلامي اينقلاب رهبري سوزلريني آخيريده آرتيرديلار: ايسلامي اينقلابينان باشلايان بو يولون ايدامه سي اولاجاق و سيز گوردوز كي جماعتين عمومي حرڪتينه، بير عيده مسئوليت يوكون يتره قويدولار اما روحيه لي جوانلار اونو گوتوردولر و اينشاء الله مقصده چاتديراجاقلار.